

2023

Tolosako Herritarren Batzarra

Gomendioen
inplementazioari
jarraipena

Testuingurua – zer gertatu da orain arte?

Zer da herritarren batzarra? Nork osatu du?

Herritarren Batzarra gizarte berrikuntzaren eta esperimintazioaren bide-
tik parez pareko erronka konplexuei elkarlanetik erantzuteko taldea da,
politika publikoen garapenean herritarrak inplikatzen, konfiantzazko ha-
rremanak eratzeko eta entzute aktiboa indartzeko taldea, alegia.

Tolosako Herritarren Batzarra 2022ko urritik abendura bitartean aritu da
deliberatzen. Tolosako komunitatearen aniztasuna bermatuz, zozketa zi-
bikoz **aukeratutako profil ezberdinetako 32 herritarrek osatu dute Herri-
tarren Batzarra**. Lehen zozketa udal errolda baliatuz egin zen, (16 urtetik
gorako biztanle guztien artean) eta hautatuak izan ziren 2400 pertsonen
prozesuan parte hartzeko gonbidapen gutuna jaso zuten. Horietatik izena
eman zutenen artean bigarren zozketa bat egin zen 32 pertsonen osatu-
tako taldea eratzeko.

Udalak zehaztuta gaia, erantzun beharreko galdera:

Tolosaren kasuan, tolosarren osasun eta ongizate emozionala izan da Udalak
aukeratutako erronka sozial kolektiboa, duen dimentsio eta konplexutasunagatik
erantzun kolektiboa eskatzen duelako. Hori oinarri hartuta, batzarkideek ondo-
rengo galderari erantzun diote:

**“Zer egin dezake Tolosako Udalak lankidetzan publiko
komunitarioaren bideetik, guztion osasuna eta ongizate emozionala
hobetuko duen Tolosa lortzeko?”**

Tolosako Herritarren Batzarraren diseinua 2022ko urtarilean hasi zen, Jarraipen
Batzordearen sorrerarekin. Batzorde hori Tolosako Udalean ordezkariak duten
alderdi politiko guztietako ordezkariak osatzen dute, baita Herritarren Batzarra
diseinatu eta inplementatu duten erakunde bakoitzeko ordezkariak ere. Prozesua
diseinatu eta lantzeko garaian, Jarraipen Batzordeak lagungarriak izan ziren For-
makuntza saioak jaso ditu ELGA taldearekin.



Prozesua: formakuntza eta deliberazioa 5 saiotan

Behin aurre lanak amaituta, 2022ko urriaren 22an eman zitzaion hasiera Tolosako lehen Herritarren Batzarrari. 32 batzarkideak 40 orduz lan egin dute 5 larunbatetan 2022ko urritik eta 2022ko abendura bitartean, Prometea eta Aztikerreko erraztaileen laguntzarekin.

Hiru fasetan banatuta eraman da aurrera prozesua: informazio fasea, deliberazio fasea eta gomendioen lanketa eta aurkezpena.

Batzarkideek hasierako galderari erantzuteko 14 gomendioak landu zituzten eta horiek abenduaren 17an egindako itxiera saioan aurkeztu zituzten. Gomendioek, halaber, adostasun eta babes maila handia jaso zuten, batzarkideen %80 baino gehiagok babestu baitzituzten.

Gomendioen koadro orokorra

Gomendioa	Babesa	Aurre-kontua	Epeak
A Arkitektura inklusiboa	✓ Bai	Bai	2023
B Tolosarren ongizate emozionalaren egoera ezagutzen	✓ Bai	Bai	2025-26
C Denok dugu boluntario bat barruan	✓ Bai	Bai	2024-27
D Ongizate emozionalerako laborategia: Labea edo baratza kolektiboa	✗ Ez	Ez	
E Herritarren beharrak herriko zerbitzuekin asetzeko informazio gunea	— Bai aldatetekin	Bai	2024-25
F Etxegazte	✓ Bai	Bai	2024-25
G Arrakala digitala gainditzen	✓ Bai	Bai	2024
H Nerabeak, LGTIQ+, suizidioa: arreta, hezkuntza eta esku-hartzeko programa	✓ Bai	Bai	2024-26
I Existitzen diren asoziazioetan boluntariotza garaikidea esperimentatzea: tutoretza, bitartekaritza, bidelaguntza zerbitzua	— Bai aldatetekin	Bai	2024-26
J Ontzi komunikatzaileak. Harremanak eta sareak sortzen dituzten ekimenak (adinik gabe)	— Bai aldatetekin	Ez	2025
K Espazioa eta aisia, gazteak (13/18)	— Bai aldatetekin	Bai	2023-2024
L Gazteak eta elkarte gastronomikoak	✗ Ez	Ez	
M Gune berdeak	✓ Bai	Bai	2023
N Konfidantza instituzionala: parte hartzeko dinamika iraunkorrak	✓ Bai	Ez	2023-2024



Gomendioen implementazioari jarraipena

2023ko martxoaren 25eko itzulpen saioaren ostean, Tolosako Udalak aurtun hartutako konpromisoak lantzen hasi da. Dokumentu honetan udalak egindakoa deskribatzeko informazioa jaso dugu, zehazki, ondorengoak deskribatzen dira: gomendioaren implementazioaren azalpena; gomendioaren implementazioan inplikaturako sailak; arduradun politikoa zein teknikoa eta lan taldea nork osatzen duen; erabilitako edo ejekutatuko den aurrekontuaren kopurua; eta ekintzak aurrera ateratzeko epea.

Gomendioen implementazioaren jarraipenerako koadro orokorra

Gomendioa	Babesa	Aurre-kontua	Epeak
A Arkitektura inklusiboa	✓ Bai	Bai	2023
H Nerabeak, LGTIQ+, suizidioa: arreta, hezkuntza eta esku-hartzeko programa	✓ Bai	Bai	2024-26
K Espazioa eta aisia, gazteak (13/18)	— Bai aldatetekin	Bai	2023-24
M Gune berdeak	✓ Bai	Bai	2023
N Konfidantza instituzionala: parte hartzeko dinamika iraunkorrak	✓ Bai	Ez	2023-24

A

GOMENDIOAREN
ERANTZUNAArkitektura
inklusiboa

A

Udalak modu orokorrean babesten du gomendioa eta hirigintza inklusiboa sustatu eta areagotze aldera udal departamentu arteko batzordea eratuko du, egungo egoeraren diagnostikoa burutuz eta hirigintza inklusiboa helburu duen Tolosako aktuzio-irizpideak zehazten dituen protokoloa landuz kolektibo desberdinen hartzearekin.

PROPOSAMENA
BETETZEKO
KONPROMISO-
MAILAKONPROMISOA
HARTZEN DA

▼ Tolosako Udalak gomendioarekiko bisioa

Inklusibitatea gure herrietako hiri-bizitzaren kalitateaz arduratzen den dimentsio anitzeko fenomeno bezala definitu dezakegu. Hiriak diseinatzerakoan kontuan hartu behar dira lan produktiboez gain lan erreproduktiboak ere, eguneroko bizitzako egitekoak, alegia.

Horregatik, Arkitekturaren Diseinu Unibertsalaren printzipioa jarraituz eta hirigintza inklusiboaren bidetik, egokitzapenik gabe edo diseinu espezializatuaren beharrik gabe diseinatutako ingurune eta zerbitzuak ahalbidetu beharko liriteke, irisgarritasuna bermatzea bakarrik ez bai da nahikoa.

▼ Zer egingo du Tolosako Udalak?

A.1- Udalean zeharkako batzorde bat sortu.

Hirigintza sailaren zuzendaritzapean eta gomendioarekin lotura zuzena duten sailak bertan parte hartzen dute.

A.2- Gaur egungo egoeraren diagnostikoa egingo da.

Departamentu desberdinetan dauden planak eta informazioa aztertuko da diagnostikoa egiteko. Hala nola, Mugikortasun Plana, Genero ikuspegitik Hirigintzaz egindako azterketa, haur, nerabe eta gazteen diagnostiko eta plana, Tolosa 2050 Klima Plana, e.a.

A.3- Eskuarlean ditugun Plan eta Proiektuak gauzatu herritarren parte hartzea sustatuz.

Hala nola, Irisgarritasun plana, Mugikortasun Planeko ekintzak, Udal ekipamenduen berrantolaketak eta plana...

A.4- Tolosako aktuzio-irizpideak zehazten dituen protokoloa.

Zeharkako batzordeak lideratuta, hirigintza inklusiboa helburu duen Tolosako aktuzio-irizpideak zehazten dituen protokoloa landuko da. Oro har, kaleak eta espazio publikoak berriz urbanizatzerakoan eta udal eraikinak birgaitzerakoan kontutan hartzeko inplikaturako eragile guztiek.

▼ Inplikaturako sailak

Hirigintza, Obrak eta Zerbitzuak, Ingurumena, Berdintasuna, Gazteria, Kirola, Gobernantza eta Komunitatea, Gizarte zerbitzuak.

▼ Aurrekontua

A.4- Irisgarritasun plana eguneratzea 50.000 €.

Gainontzean 2024rako zehaztu beharko dira partida ekonomikoak.

▼ Epeak

2023 Batzordea sortu eta egungo egoeraren diagnostikoa.

2023 Irisgarritasun Plana eguneratu.

2025 Aktuzio-irizpideen protokoloa.

A

Gomendioaren jarraipena

PROPOSAMENA
BETETZEKO
KONPROMISO-
MAILAKONPROMISOA
BERRESTEN DA

▼ Gomendioaren inplementazioa

A.1- Udalean zeharkako batzorde bat sortu.

Abenduan eratuko da Arkitektura eta Hirigintza inklusiboari buruzko udaletxeko Batzordea. Bertan Hirigintza, obrak, ingurumena, berdintasuna, gazteria, kirolak, gizarte zerbitzuak eta gobernantza eta komunitatea sailek hartuko dute parte.

A.2- Gaur egungo egoeraren diagnostikoa egingo da.

Departamentu desberdinetan dauden planak eta informazioa aztertuko da diagnostikoa egiteko.

Hala nola, Mugikortasun Plana, Genero ikuspegitik Hirigintzaz egindako azterketa, haur, nerabe eta gazteen diagnostiko plana, Tolosa 2050 Klima Plana, e.a.

A.3- Eskuarlean ditugun Plan eta Proiektuak gauzatu herritarren parte hartzea sustatuz.

Irisgarritasun planaren idazketa esleitu berri da. Herritarren parte hartzea aurreikusten da kontratu horretan.

Mugikortasun planaren garapena egiteko aholkularitza zerbitzu bat kontratatuko da.

A.4- Tolosako aktuzio-irizpideak zehazten dituen protokoloa.

Abenduan eratuko da Arkitektura eta Hirigintza inklusiboari buruzko udaletxeko Batzordea (Begira A3 lan lerroa).

▼ Arduradun politikoa

Ander Figuerido

▼ Arduradun teknikoa

Jone Miner

▼ Lan taldea

Batzordea eratzen denean definituko da

▼ Aurrekontua

A.4- Irisgarritasun plana eguneratzea 50.000 €.

Gainontzean 2024rako zehaztu beharko dira partida ekonomikoak.

▼ Epeak

2023 A1 - Abenduan. Batzordea sortu eta egungo egoeraren diagnostikoa.

2023 A3 - Esleitu berri. Irisgarritasun Plana eguneratu.

2025 A5 Aktuzio-irizpideen protokoloa.

Nerabeak, LGTBQ+, suizidioa: arreta programa, prestakuntza eta esku-hartzea

H

PROPOSAMENA BETETZEKO KONPROMISO-MAILA

KONPROMISOA HARTZEN DA

Udalak modu orokorrean babesten du gomendioa eta horretarako, prebentzioa, sentsibilizazioa, formakuntza, babeserako zerbitzu eta erreparazioaren jardun-eremuetatik erantzuteaz gain, suizidioa prebenitzeko Tolosako I. Gida landuko da elkarlanean.

▼ Tolosako Udalak gomendioarekiko bisioa

Suizidioak pertsona edo adintalde orori eragiten dio eta bere atzean ez du kausa bakarra. Suizidioaren problematikan hainbat faktore elkartzen dira, eta beharrezkoa da horiek ezagutzea.

Era berean, nerabeen heriotza-arrazoi nagusietako bat da eta eskola jazarpenaren testuinguruan ematen den bullying edo eskola jazarpenean du jatorri nagusi, bereziki eragiten dielarik nerabeei eta talde kalteberei, hala nola, LGTBI kolektiboko kideei.

LGTBQ+ gazteen problematika sexo-genero gizar-te patriarkalaren ondorioa da, eredu normatiboa ez dutelako jarraitzen. Eta sarritan indarkeria ma-

txista desberdinak jasaten dituzte. Suizidioaren kausa bat izan daiteke.

Era berean, azken urteetan ideia suizidak adierazten dituzten ikasleak ugaritu egin dira, eta ikastetxe askok laguntza, aholkularitza eta prestakuntza eskatzeaz gain, ekimen desberdinak abian jarri dituzte. Hala nola, Tolosako Inmakulada Lanbide Ikastolak.

Bestetik, Tolosako Udaletxeak helduenei, zein gazteei zuzendutako ezagutza-formakuntza, sentsibilizazio, prebentzio eta erantzunerako baliabide desberdinak baditu ere, lan-lerro horien baitan etenik gabe lanean jarraitu beharra du.

▼ Zer egingo du Tolosako Udalak?

Erakunde, herri eragile eta herritarrekin elkarlanean, eta bereziki K gomendioaren baitan eratzea aurreikusten den Nerabeen Parte Hartze Foroko kideekin elkarlanean, honako lan esparru eta baliabideen baitan lanean jarraitzeko konpromezua adierazten du Tolosako Udalak:

H.1- Ezagutza-formakuntza, sentsibilizazioa, prebentzioa: Helduei eta gazteei zuzendutako lan lerro espezifikoen bidez formakuntza eskeintzen jarraituko da.

H.2- Identifikatzea eta deribatzea. Orain arte bezala, detekzio, identifikazioa lanean jardungo dute eragile desberdinek eta kasu bakoitzaren ezaugarri berezien arabera dagokion zerbitzura bideratuko dira pertsonak.

H.3- Erreparazioa. Oso lotuta dago sentsibilizazio jarduera publikoekin. Errekonozimendu soziala eta ikusgarritasuna ahalbidetzea ditu helburu.

▼ Inplikaturako sailak

Gazteria, Gizarte Zerbitzuak, Komunitate eta Gobernantza, Kirola, Berdintasuna.

▼ Aurrekontua

H.4- Formakuntza 5.000 €.

H.6- Suizidioa prebenitzeko Tolosako I. Gida 15.000 €.

▼ Epeak

2024 H.4- Formakuntza.

2024-25 H.5- Programazio berri egokitua.

2025-26 H.6- Suizidioa prebenitzeko Tolosako I. Gida.

H

Gomendioaren jarraipena

PROPOSAMENA BETETZEKO KONPROMISO-MAILA

KONPROMISOA BERRESTEN DA

▼ Gomendioaren implementazioa

H.0- Suizidioa prebenitzeko Protokoloa edo Gida.

Gomendio honen barnean Suizidioaren prebentzioa lantzeko gida osatzea da helburua.

Gobernantza, Gizarte zerbitzuak eta Gazteria sailen arteko lanketa baten ondorioa da. Herri mailan nerabeen ongizateaz arduratzen den foro ezberdinetan azaldutako kezka da, bestalde Siadeco-rekin egindako haur, nerabe eta gazteen diagnostiko eta planean ardatzetako bat haur, nerabe eta gazteen bizi estilo osasuntsua sustatzea da eta gai honen inguruan ere zertzelada batzuk azaldu ziren.

BIZIRAUN elkarteko psikologo taldeak abendura bitartean diagnostia egiteko galdetegiaren diseinu lanetan ariko dira. Ondoren herriko eragile ezberdinen artean zabalduko dugu, eta horrela jakingo dugu Tolosan zein ezagutza edota lanketa maila dagoen suizidioaren prebentzioaren inguruan.

Galdetegiaren erantzunetatik jakingo dugu zein den egonera Tolosan eta hemendik deribatuko dira H1, H2 etab barnebiduko dituzten jarduerak. H6 suizidioaren prebentziorako gida paraleloan landuko delarik

▼ Arduradun politikoa

Aitor Agirresarobe

▼ Arduradun teknikoa

Nerea Cereceda

▼ Lan taldea

Nerea Cereceda, Lurdes Senovilla eta Garikoitz Lekuona

▼ Aurrekontua

H.6- Suizidioa prebenitzeko Tolosako I. Gida 15.000 €.

▼ Epeak

2024 H.4- Formakuntza.

2024-25 H.5- Programazio berri egokitua.

2025-26 H.6- Suizidioa prebenitzeko Tolosako I. Gida.

K

GOMENDIOAREN
ERANTZUNA

Espazioa eta gazteen aisialdia (13/18)

K

PROPOSAMENA BETETZEKO KONPROMISO- MAILA

KONPROMISOA HARTZEN DA ALDAKETEKIN

Udalak gomendioaren azken helburua ontzat ematen du, baina aldaketekin erantzuteko konpromisoa adierazten du. Eta Hezkuntza Mahaiaren eta Nerabeen Parte Hartze Foroaren baitan emango diren hausnarketa eta ekimenen baitan kokatzen du gomendio honen erantzuna.

▼ Tolosako Udalak gomendioarekiko bisioa

Topagune zerbitzuaren funtsa aisialdiaren eta heziketaren arteko elkartrukean oinarritzen da. Halaber, gaztetxoak herritar aktibo izateko prestatzea du xede, haien garapen emozionala eta autonomia sustatuz eta nerabeak gizartean murgilduz. Nerabeen bilakaera pertsonala sustatzeko, proposamen ludiko eta entretenigarria eskaintzen da; heziketa helburu izanda, aisialdia eta dibertsioa gure lanabes gisa baliatuz.

Nerabeak haien adinekoekin harremanak lantzeko espazioa da. Nerabeak erdigunean jarriz eta hauen inplikazioa sustatuz. Haien iritziak kontuan hartzen dira eta programa beraiekin elkarlanean osatzen da.

▼ Zer egingo du Tolosako Udalak?

Berriki burutu den Hezkuntza mahaiaren markoan eta Nerabeen Parte Hartze Foroaren iritzia aintzat hartuz, honako konpromiso politikoa hartzen da:

K.1- Nerabeen Parte Hartze Foroa. Nerabeen Parte Hartze Foroa eratu asmo da (Haurren Hiria egitasmoa eredu bezala hartuz). Beraiekin diseinatutako espazioa, zeinaren baitan autogestioaren inguruko pedagogia egin ahalko den.

K.2- Komunitateari begira jardueraren bat planteatzeko aukera. Gazteen aisialdia aberastea eta gazteentzat baliabideak areagotzea. Autogestioan oinarrituta.

K.3- Espazio autogestionatua. Azterketa. Espazio publiko nahiz pribatuen erabilera zabaltzeko aukerak aztertzea. Hemen ikastetxeetako patioak,

▼ Inplikaturako sailak

Herritarrak, antolakuntza eta lurraldea.

▼ Aurrekontua

15.000 € K.1- Nerabeen Parte Hartze Foroa.

Nerabe guztiei zuzendutako elkargune inklusibo bat bermatzea da helburua, hau da, desberdintasun egoeran dauden nerabeei ere komunitatean integratzen lagundu nahi zaie.

Horrez gain, topagunetik kanpoko esparrua ere sustatzen da, herriko beste errealitate eta eragileekin harremana eginez, nerabeen presentzia gizartean indartzeko eta komunitatean txertatzeko.

Aldiz, egungo topagune zerbitzura gerturatzen diren nerabe gehienak 10-14 urte bitartekoak dira. Zerbitzua 12-17 urte bitartekoentzat bada ere, errealitatean erabiltzaileen profila beste bat da.

frontoiak eta gune estaliak publiko egitea aldarrikatzen da.

Adin tarte horretarako espazio berri baten irekiera aztertzen ari dira Hirigintza eta Gazteria sailetik.

K.4- Gazteentzako interesgarriak diren hainbat gairi buruzko informazioarako/komunikazioarako lekua. Bai Abastos, bai Nerabeen Parte Hartze Foroa, zein beste hainbat espazio, leku egokiak izan daitezke gazteentzako interesgarriak diren eta beraiek landu edota proposatu dituzten gaien buruzko informazioa jasotzeko, transmititzeko edota komunikatzeko.

Gomendio honek H Gomendioarekin lotura du.

▼ Epeak

2023 K.1- Nerabeen Parte Hartze Foroa.
2024 K.3- Espazio autogestionatua. Azterketa.

K

Gomendioaren jarraipena

PROPOSAMENA BETETZEKO KONPROMISO- MAILA

KONPROMISOA BERRESTEN DA

▼ Gomendioaren implementazioa

K.1- Nerabeen Parte Hartze Foroa.

Gazteekin lana zuzenean egiten duten udalerrri mailako foro ezberdinetatik eratorritako kezka da, nerabeen aisialdi ereduaren inguruan hausnarketa bat egitea beharrezkoa dela, eta baita ere, eskaintzen zaizkien espazioen inguruan. Foro horien artean dago hezkuntza mahai, Haur, nerabe eta gazteen inguruan egin zen diagnostiko eta plana, Herritarren batzarra eta Nerabeen prebentzio komunitario mahai.

Horiek horrela nerabe eta gazteekin lanean dabiltzan eragileen iritzia kontuan hartzeaz gain beraiei zuzenean galdetzea da logikak agintzen diguna, eta hortik atera da nerabeen parte hartzerako espazio edo foro bat sortzearen proposamena.

Tolosako udala, gazteen partehartze prozesuetan eskarmentua duen OSOIGO elkartearekin jarri da harremanetan. Nerabeekin deliberatzeko espazio hibrido bat sortzea da helburua. Euskarri digital eta presentzialekin osatutako esperientzia eta espazioak eratu.

Lehen entzute prozesu kualitatibo bat proposatzen da. Tolosako 12-17 urte bitarteko nerabeen aisialdirako beharren inguruan dituzten kezka, ideia eta proposamenak galdetegi digital baten bidez jasoko dira. Galdetegi digitaletik eratorritako emaitzetan oinarrituta, aisialdi-taldea eratu da, bildu diren ideiak proiektu bilakatu eta ekintza plana sortzeko helburuarekin.

Azkenik emaitzen analisia egingo da fase digitalean zein aisialdi taldeak ondorioztatutako ideia eta iritziak. Analisi honetatik eratorriko da ondoren datorren ekintza-planaren diseinua.

▼ Arduradun politikoa

Aitor Agirresarobe

▼ Arduradun teknikoa

K.1- Nerea Cereceda

▼ Lan taldea

K.1- Gazteria, hezkuntza, Gobernantza eta komunitatea, Gizarte zerbitzuak

▼ Aurrekontua

K.1- Nerabeen Parte Hartze Foroa. 15.000 €

▼ Epeak

2023 K.1- Nerabeen Parte Hartze Foroa.

Natura sortzea hainbeste asfaltoren artean

M

PROPOSAMENA BETETZEKO KONPROMISO-MAILA

KONPROMISOA HARTZEN DA

Udalak modu orokorrean babesten du gomendioa eta horri erantzute aldera ekintza lerro desberdinak martxan jarriko dira, beti ere ingurumenarekiko eta naturarekiko hartueman zuzena ahalbidetuz eta gure ekosistema zaintzeko egitasmoak aurrera eramanez.

▼ Tolosako Udalak gomendioarekiko bisioa

Tolosako udalak betidanik izan du ingurumenarekiko eta naturarekiko jarduera proaktiboa. Hala ere, aipatu behar da Pandemia garaian indar gehiago-rekin azaleratu da betidanik herritarrek izan duten eremu berde eta naturalen beharra. Asko idatzi da azken boladan hiri eta herri handietan bizi garenok eta bereziki haurrek pairatzen duten natura defizitari buruz, eta honek eragiten dituen ondorio fisko eta psikologikoei buruz.

Beste alde batetik, klima aldaketak eta biodibertsitatearen galerak ekarriko dizkigun ondorio kaltegarrietaz jabetzen hasiak gara. Ondorio hauen eragina arintzeko eta hauei egokitzeko beharrezkoa da gure ekosistemen osasuna eta dibertsitatea zaintzea eta areagotzea, ekosistema desberdinen arteko loturak bermatuz, horretarako korridore ekologikoak eta baso autoktonoak sortuz.

▼ Zer egingo du Tolosako Udalak?

M.1- Baratze-parkea indartzea. Iurramendiko Baratzeta Parkea dinamizatzen jarraitu eta hiri-baratzeak garatzeko laguntza eman.

M.2- Proiektu pedagogikoak sortzea naturari erreparatuz. Baso eskolarako espazioak egokitu. Eremu natural hauek baso eskolarako erabiltzen dira baina edozein pertsonak erabili ditzake. Eremu natural hauek zabaltzen eta mantentzen jarraituko da.

M.3- Baso naturalak. Tolosan ez dugu mendi publikorik, hori dela eta udalak baso lursailak erosten ahaleginduko da baso autoktonoak berreskuratzeko eta baso lursailen ondare bat izateko.

M.4- Lehendik dauden parkeak sustatzea eta optimizatzea. Tolosako eremu berdeen kudeaketa eta degradatutako gunek berreskuratzea, ondorengo kontzeptuak barneratuz: korridore ekologikoak, azpiegitura berdeak eta ekosistemen zerbitzuak.

M.5- Espazio berde berriak sortu. Degradatutako gunek berreskuratzea. Tolosan badira degradatuta

dauden eremuak, Zumardi txiki, Olarrain, San Esteban, Araxes ingurua...

M.6- Jolasaren bidez belaunaldien arteko topaketa sustatzea/Proiektu pedagogikoak sortzea natura kontuan hartuta. Biodibertsitate gunea: Adituen laguntzarekin Tolosako biodibertsitatea ezagutzeko. Ekimen hau indartu nahi dugu, jarduera intergenerazionala bihurtuz eta herritarrak saretuz.

M.7- Maskotekin egoteko gunek bereiztea, baita maskotarik gabeko lekuak eta maskotekin elkarrengaitzeko gunek ere. Gomendio honi erantzuteko egitasmo konkretu edo prebisorik ez dago une honetan, jada txakurrentzat existitzen diren espazioez gain. Horregatik gai aztertze konpromisoa hartzen da.

M.8- Tolosa Klima 2050 dokumentuan jasotako proposamenak aurrera eramateko konpromisoa. Batez ere, 4. puntuko Naturaren erresilientzia handitzea eta 7. puntuko Arriskuei aurre hartzea.

▼ Inplikaturako sailak

Herritarrak eta Lurraldeako zerbitzuak.

▼ Aurrekontua

M.2- Proiektu pedagogikoak sortzea naturari erreparatuz 30.000 €.
M.4- Parkeak eta lorategiak 200.000 €.
M.6- Biodibertsitate gunea 30.000 €.

▼ Epeak

2023 M.2- Proiektu pedagogikoak sortzea naturari erreparatuz.
2023 M.4- Parkeak eta lorategiak.
2023 M.6- Biodibertsitate gunea.

M

Gomendioaren jarraipena

PROPOSAMENA BETETZEKO KONPROMISO-MAILA

KONPROMISOA BERRESTEN DA

▼ Gomendioaren implementazioa

M.2- Proiektu pedagogikoak sortzea naturari erreparatuz.

Azaroak 18 eta 26 bitartean hondakinen prebentzio-rako astea izango da. Aurten elikagaien bilgarrien gaia landuko da. Ekimen honekin lotuta, haurrentzako ekintzak egingo dira eta orain ekintza horiek prestatzen gabiltza. Heldu zein publiko osoarentzat, kobazuloetan pilotzen den zaborraz eta horrek ingurunean eta edaten dugun urean zein eragin duen landuko dugu LurpeaGarbi elkarteak antolatutako erakusketa baten bidez. (Data zehatzak oraindik zehazteke daude).

Abenduan "Gabonak eta Kontsumoa" ekimena egingo da Tolosaldeko Eskolako Agenda 2030 eskolako guztietan, 5 urtetko neska-mutilentzako zuzenduta. Baso eskolari dagokionez, Amaroako baso eskolako urmaela babesteko hesia ipiniko da txakurrak sar ez daitezen eta urmaela egoera onean mantendu dadin. Samaniegoko ikasleek erabiltzen duten baso eskolan esertzeko egiturak jartzeko aurrekontua eskatu dugu. Horiez gain, baso eskoletan materiala gordetzeko moduluak jartzeko aurrekontua eskatu dugu. Astean behin biltzen gara ekimen guztien jarraipena egiteko Tolosako ingurumen zentroko arduradunarekin.

M.4- Lehendik dauden parkeak sustatzea eta optimizatzea.

Lorezaintzako zerbitzua emateko plegu berriak prestatzen gabiltza. Plegu horiek prestatzeko, Orain Klima aholkularitza enpresari informe bat eskatu zaio eta bertan klima aldaketaren aurrean aplikatu beharreko irizpideak edo erabili beharreko teknika jasangarriagoak, biltzen dira besteak beste. Horrez gain urte bukaera arte ez da beste ekintzarik aurreikusten.

▼ Arduradun politikoa

M.2- Aitor Agirresarobe
M.4- Aitor Agirresarobe eta Ander Figuerido

▼ Arduradun teknikoa

M.2- Amaia Otaño /M.4- Amaia Otaño eta Jone Miner
M.6- Amaia Otaño /M.8- Amaia Otaño eta Jone Miner

▼ Aurrekontua

M.2- Proiektu pedagogikoak sortzea 30.000 €.
M.4- Parkeak eta lorategiak 200.000 €.
M.6- Biodibertsitate gunea 30.000 €.

M.6- Jolasaren bidez belaunaldien arteko topaketa sustatzea/Proiektu pedagogikoak sortzea natura kontuan hartuta.

Azaroak 12 irteera: Baso atlantikoaren ekologia
Azaroak 15 ikastaroa: Ornitologiaren hastapenak (Paseriformeak II)
Azaroak 29 mintegia: Gipuzkoako anfibioak
Abenduak 3 irteera: Landa Atlantikoaren ekologia
Abenduak 13 mintegia: Tolosaldean harrapatutako fauna basatiaren azterketa. 2023ko emaitzak.

M.8- Tolosa Klima 2050 dokumentuan jasotako proposamenak aurrera eramateko konpromisoa.

Mugikortasun plana garatzea : Aholkularitza enpresa bat kontratatuko da plana garatzeko.

Garraio publikoen arteko intermodalitatea bermatzea eta baita horien guztien eta mugikortasun-sistema alternatiboen intermodalitatea ere (bizikleta, etab.): Erosita daude aparkaleku berriak eta datozen hilabeteetan ipiniko dira.

BEG emisio gutxiago dituzten garraibideak orokortzea (ibilgailu elektrikoa, gas naturaleko ibilgailuak, bizikleta,...) laguntza ekonomikoaren bidez eta diskriminazio positiboaren bidez: Belena patrioko bizikleta aparkalekuaren tasa jaitsi egingo da.

Udalak auto elektriko bat du eta herriko aparkaleku ezberdinetan auto elektrikoak kargatzeko gunek ipiniko dira .

Horiez gain lanean gabiltza Tolosa Klima 2050 dokumentuan jasotako ekintzak aztertzen eta 2024tik aurrera horiek nola garatu planifikatzen.

M.6- Aitor Agirresarobe
M.8- Aitor Agirresarobe eta Ander Figuerido

▼ Lan taldea

Jone Miner eta Amaia Otaño

▼ Epeak

2023 M.2- Proiektu pedagogikoak sortzea.
2023 M.4- Parkeak eta lorategiak.
2023 M.6- Biodibertsitate gunea.

N

GOMENDIOAREN
ERANTZUNA

Konfiantza instituzionala

N

Udalak modu orokorrean babesten du gomendioa eta berau betetzeko konpromisoa hartzen du Tolosan indarrean den ordenantza betez eta gomendioen inplementazioaren jarraipena egiteko aukera emanez herritarren batzarreko kideei eta herritarren parte hartzea ahalbidetuz gomendioen inplementaziorako aurreikusitako egitasmoen baitan.

▼ Tolosako Udalak gomendioarekiko bisioa

Herritarren beharriaz behar bezala erantzuteak eta herritarren bizi-kalitate arrazoizkoa bermatzeak ematen diote legitimazioa udalari erakunde gisa.

Era berean, udala herritarrek duen hurbileko administrazioa izanagatik, hurbiltasun hori indartu beharra dago eta horretarako beharrezkoak dira: gardentasuna sustatzea, publizitate aktiboa, herritarrek politika publikoen definizioan eta gauzapenean parte hartze zuzena izan dezaten parte hartze bideak eta tresnak garatzea, eta zerbitzu publikoen kalitatea bultzatzea, egiaztatze edo ebaluazio sistemen bitartez.

Tolosako Udaleko Gobernantza, Partaidetza eta

Gardentasunari buruzko Ordenantzak Tolosako Udalaren eta herritarren arteko harremanak eta parte hartzeko bideak arautzeko modu, bitarteko eta prozedurak zehazten ditu eta, horrenbestez, herritarrek ardatz dituen gobernantza ereduari sostengua ematen dion arautegia dugu.

Beraz, aipatu ordenantzaren betetzea da udalarekiko konfidantza sustatu eta indartzeko bide zuzenena.

Era berean, legea betez, Tolosako Udalak, urte hasieran dagokion urteari begira aurreikusten diren parte hartze prozesuak zerrendatu eta horietan parte hartzea bermatzeko konpromezua adierazten du, horren berri emanez.

▼ Zer egingo du Tolosako Udalak?

N.1- Gomendioen inplementazioan eta jarraipenean parte hartzea.

Tolosako Herritarren Batzarreko herritarrei gomendioen inplementazioaren jarraipenean inplikatze eta jarraipen Batzordeko kideekin batera jarduteko aukera emango zaie.

N.2- Gomendioen inplementazio parte hartzailea.

Tolosako Udalak urtero onartzen duen Parte Hartze Programaren baitan jasotako egitasmoen gain, eta Tolosako Udaleko Gobernantza, Partaidetza eta Gardentasunari buruzko Ordenantza jasotako betez beti ere, gomendioen inplementazioak ahalbidetzen duen heinean, onartu diren egitasmo guztietan herritarren parte hartzea bermatuko da.

▼ Inplikatutako sailak

Herritarrek, Antolaketa eta Lurraldea arloko sailak.

▶ Aurrekontua

▼ Epeak

N.1- Gomendioen inplementazioa eta jarraipenean parte hartzea

- Jarraipen Batzordea – 2023ko iraila
- Gomendioen inplementazioari jarraipena - 2023ko urria
- Jarraipen Batzordea – 2024ko iraila
- Gomendioen inplementazioari jarraipena - 2024ko urria

N.2- Gomendioen inplementazio parte hartzailea: Jarraia, egitasmo desberdinen exekuzioaren arabera.

N

Gomendioaren jarraipena

PROPOSAMENA BETETZEKO KONPROMISO- MAILA



KONPROMISOA BERRESTEN DA

▼ Gomendioaren inplementazioa

N.1- Gomendioen inplementazioan eta jarraipenean parte hartzea.

Jarraipen Batzordea; 2023ko iraila

Gomendioen inplementazioari jarraipena: 2023ko azaroa

Jarraipen Batzordea: 2024ko maiatza

Gomendioen inplementazioari jarraipena: 2024ko ekaina

N.2- Gomendioen inplementazio parte hartzailea.

Gomendioen inplementazio parte hartzailea: Jarraia, egitasmo desberdinen exekuzioaren arabera.

▼ Arduradun politikoa

Josune Sanz

▼ Arduradun teknikoa

Garikoitz Lekuona

▼ Lan taldea

Garikoitz Lekuona

▼ Aurrekontua

Egitasmo konkretu bakoitzak bere aurrekontu propioa du.

▼ Epeak

N.1- Gomendioen inplementazioa eta jarraipenean parte hartzea

- Jarraipen Batzordea – 2023ko iraila
- Gomendioen inplementazioari jarraipena - 2023ko azaroa
- Jarraipen Batzordea – 2024ko maiatza
- Gomendioen inplementazioari jarraipena - 2024ko ekaina

N.2- Gomendioen inplementazio parte hartzailea: Jarraia, egitasmo desberdinen exekuzioaren arabera.